

Informacia kai dada/deja thaj niamuri

Propozitcia pe školake parujimata pe jekh mai fialo škola ando Trollhättan

Sa le glati thaj studenturi si len čačipe pe jekh fialo premisuri te aresen kai o gol ande škola. Jekh laši edukacia si jekh importante permiso svakone manušeske te šai aresen kai jekh succeso, te len jekh buči, pravarimos thaj jekh lašo trajo. Numa ando Trollhättan - mizmo sar vi ande but kaver foruria – kerel e segregracia ke le glati thaj studenturi si len diferento posibilita te ankele lenge, depende ande savo gav barile, vai ande save školi piren.

Ando juni 2019 dine le politikuri ando edukaciako bordo (Utbildningsnämnden) jekh missiona ka edukaciaki administracia (Utbildningsförvaltningen). Kudo sas pa te arakhen avri jekh propozitcia kai šai xantsarel le efekturi katar la školaki segregracia thaj te kerel permiso sa le glatenge thaj studentonge ando Trollhättan mai fialo. E administracia ankalada akana jekh propozitcia pe kasavendrarr djeli, numa vi propozitcia kai značil ke mai but anda školako kapitalo šai žjal pe edukacia, mai bine sar pe počin le lokalongi. Kadi propozitcia si la zor ande la školako zakono, sičarimaske planuri, Kommunko baro thaj, edukaciako bordosko gol thaj Edukaciako administriako antrego gindo.

E propozitciji kai sas vazdine ando rodipe si kadala:

- Kronan åk F-9 site avel parudi pe jekh F-3 škola de katar o augusti 2021. Ketane pašti 210 studenturi ando åk 4-9 si šinade thana ande le školi östra thaj västra Trollhättan (Lyrfågelskolan, Stavreskolan, Strömslundsskolan, Paradisskolan, Skogshöjdens skola). O hulajimos kerdjol pala le studentonge individualnio trubupe thaj permiso, numa vi le školengo primimasko posibilita te primin mai bute studenton opral pa kudola kai vuze phiren ande školi. La školako tradimasko zutipe šai aresen le studenturi kai peski nevi škola pašti pe 20-25 minutsi.
 - E propozitcia sas te xantsarel la školaki segregracia thaj vazdel o hamimos maškar le studenturi ando Trollhättan. Mai bute studenton avela posibilita te avel len jekh škola kai le mai but kolleguri den дума pe švedisko šib.
- Fräsegårdsskolan åk F-6 pandadjol de katar o augusti 2021. Le 110 studenturi ando åk F-3 avela lenge šinado ando pervo than ando Kronan, thaj le 60 studenturi ando åk 4-6 avena šinade thana pe školi ando östra thaj västra Trollhättan (Lyrfågelskolan, Stavreskolan, Strömslundsskolan, Paradisskolan, Skogshöjdens skola). O hulajimos kerdjol pala le studentonge individualnio trubupe thaj permiso, numa vi le školengo primimasko posibilita te primin mai bute studenton opral pa kudola kai vuze phiren ande

školi. La školako tradimasko zutimasa šai aresen le studenturi kai peski nevi škola pašti pe 20-25 minutsi.

- E propozitcia sas te xantsarel la školaki segregatcia thaj vazdel o hamimos maškar le studenturi ando Trollhättan. Mai bute studenton avela posibilita te avel len jekh škola kai le mai but kolleguri den дума pe švedisko šib.
- Velanda škola F-6 site pandadjol de katar o augusti 2021. Le 130 studenturi avena šinade anglunes sar pervo than ande nevi Sylteskolan.
 - Velanda škola si jekh činori škola kai ažukerela bare košti po lašarimos vai nevo anzarimos. Ande nevi Sylteskolan si than ande moderni lokaluri thaj e propozitcia posibilita te xantsaren naprimer le košti pe lokaluri, ando permiso le sičarimasko. La školako tradimasko zutimasa šai aresen le studenturi kai Sylteskolan mai čira sar 15 minutsi. E propozitcia sas te xantsarel la školaki segregatcia thaj vazdel o hamimos maškar le studenturi ando Trollhättan.
- Vålkomsten (O primimos, le primimasko aktivitetu neve temaria) mučin les ka Lyrfågelskolan, de katar o augusti 2021.
 - Kado mučimos kerel posibilita kai e Lyrfågelskolan te šai primil mai but studenturi.
- O pervo si le niamongo porončimos kai halon (savi škola), thaj ando dujto vas si le studentosko slobodia te žjal kai jekh škola paše paša lesko kher.
 - Neve direktioni sar avena thana šinade le studentonge pe le komunalnio anglune školi kado parujimos si mai but kudole studentonge kai žjan ande Kronan thaj Frälsegårdsskolan, thaj snačil ke kadala studenturi šai avena šinade thana pe školi ande kaver komunuri.
- Le Regli pe školako tradimos avena parude le studentonge ando åk 7-9, kašte te šai avel lenge voja školako tradimos te si ke e škola si 3 km vai mai but. Mai anglal musai sas te avel o drom o mai čira 4 km.
- Jekh parujimos pe le regluri katar le čigne glatenge thana, kai kerel te avel posibilita te šinaven mai bute glatenge mai but vriama ande angluni škola, Te si ke lengo šibako divano šai lel hazna anda kado.
 - So mai sigo lel pe o manuš le čigne glatenca si defial importante ande angluni škola ke ferdi kotse si kai šai uzin e švedisko šib.
- Edukatciaki administratcia kerel jekh rodipe te si posibilita te mučin e angluni škola kai bušol Stallet ži kai Frälsegårdsskolans lokaluri.
 - Kadia angluni škola lake lokalurin aj laše. Jekh mučipe ži kai Frälsegårdsskolans lokaluri šai snačil ke e administratcia či trubul te pučinel but love po lašarimos vai po anzarimos.
- Edukatciaki administratcia rodel posibilita te mučin e Hälltorpskolans aktiviteturi ži kai Strömslundsskolan F-6 thaj te mukhen e angluni škola Mioäppet te len opral.
 - Hälltorpskolan si jekh defial čigni škola si la pašti 100 studenturi, anda kado si phares te organizil o manus ekonomiko thaj vi pedagogisko. Si jekh baro trubipe katar thana ande anglune školi po gor, thaj le mai bare lokalontsa šai o Mioäppet primin mai bute glaten.
- Edukatciaki administratcia rodel posibilita te thon andre školake buzuria kai te si posible te vazdelpe e integratcia thaj te vazden pedagogika avri ande komuna. Le Buzuria šai vi keren mai sigo te žjal o trubipe pe le thana ande anglune školi pe jekh mai flexiblo drom.

Edukatciaki administratcia kamel te rodel jekh posibilita kai kerel posible une studentonge te šai avel len mai but vriama ando librokher (fritidshem.) O gor si te šai žjal o sičarimos ando librokher kai šai žjal pe hazna une studentongo šibako thaj socialnio vazdipe.

Le glatengo thaj studentongo fundamento kerel impakto pe lengo rezultato

O siencismo sikavel ke le studentongo socioekonomiko paluno fundamento si importante fakto sar dena ando gor te aresen kai o gol ande škola. Le studenturi kai si lenge niamon bari edukatcia thaj laši ekonomia ankele lenge mai mišto sar kudola kai si lenge niamon mai čori edukatcia thaj mai kovli ekonomia. Si Studiuria kai vi sikaven ke studenturi kai si lenge niamon kovli edukatcia thaj kovli ekonomia sa jekh dine ando gor mai mišto te phirena ande jekh škola kai le mai but studenturia si len niamuria kai si len bari edukatcia thaj laši ekonomia.

E škola ando Trollhättan si segrime

Svako trito glata ando Trollhättan si themari, numa e segregatcia ande škola kerel ta le studenturia kai si themaria pašon kai 100 % pe uni školi ando foro. Školi kai si len but themutne studenturi phares si lenge te arakhen sičaritoria kai si len diplomo. Numa si vi kaver školi kai pašti sa le studenturi si švedaia, thaj niamuri kai si len bari edukatcia thaj laši ekonomia. Adjes kudola sičaritoria kai si len diplomo von si mai čira ande školi kai trubundosas mai but pala o žutipe kai trubul len.

E buči kerdjol vuze, numa či arese ži angle

Edukatciaki administratcia tela but berš kerel buči te xantsarel e segregatcia ande školi thaj te šai vazdel pe le studentonge rezultaturi. Sas todino tele ekonomiko kapitalo, mai but bučarne, žutimos katar o Skolverket thaj investcia te den edukatcia kai le sičaritoria. Numa sa jekh či vazdape le studentongo rezultaturi defial but.

Jekh fialo škola si jekh musai pala la školako zakono

Ando zakono la školako thaj ando sičarimaskoplano pe anglune školi thaj pervo škola stáramol ke e edukatcia trubul te avel jekh fialo thaj maladi pala le glatengi thaj studentongo permiso thaj trubupe. Kai škola si vi jekh specialnio responsablite pe le glati thaj studenturi kai pala diferente gora si lenge phares te aresen kai o gol. Kudo kerel ta le komunuri thaj le školi trubun te keren buči pe diferente riga kašte te šai le glati thaj studenturi kai si len diferente fundamento thaj permisuri te aven len jekh fialo posibilita te aresen kai o gol thaj te žjal lenge mišto ande edukatcia.

Vazdino fialipe thaj zurale školake riga

Te avela ke le propozicji naken trubula la edukatciako fialipe ando Trollhättan te vazdape thaj la školaki segregatcia te xantsol. Mai but studenturi kai nai len lašo socioekonomiko fundamento thaj le studenturi kai themaria avela le jekh phirimos školako kai mai but anda lenge kolleguri si len hasna ande socio ekonomiko permiso thaj švedisko dejaki šib, kai kerel ta mai but studenturi aresen kai la školako gol. O perajipe katar le školenge riga kai si specialnio pharo permiso thaj čigne školi del kai e administratcia mai but posibilita te šai organizin pe jekh zuralo kerdipe pala le bučarne thaj kompetencia, ekonomia thaj pedagogisko.

Mai but buči trubul

Jekh lašo phiripe školako thaj kerdi edukatcia vazdel le manušengo posibilita pe mai angle te šai avel len jekh lašo trajo bučasa thaj pravaramasa, thaj kado si importante p antrego Trollhättan

kašte le ternimatsa kai barion ando foro te haliaren ke si lenpačamos ando futuro thaj odžialo ando gavesko ketanipe.

Kadala buča kai si propozime naj či soski getomaski suluciona pe problemo katar la školaki segregratcia thaj fialipe ande Trollhättans školi numa le propozitciji kai si vazdine ande kado rodipe si kadala so e administratcia haliaren ke si mai importante.

So avela akana?

Le propozitciji kai line opre akana nai kanči mai but sar ferdi propozitciji, thaj nai variso kai vuže si todino. Le politikuri ando edukatciako bordo si kai šai len e decisia. Kado si planime te kerdjol pe edukatciako bordosko kidipe ando 27 oktober. Atunči šai halon le politikuri te thon jekh, mai but, vai sa le buča tele. Von vi šai halon te na primin či jekh anda le propozitciji, vai te den kai la edukatciaki administratcia e missia te keren parujimos ande propozitciji kai si akana, kai si te avena decime mai angle pe tumnia vai po ivend.

Vriamako plano pe edukatciaki bordoski decisia

- 18 augusti: Bučarne ande škola, angluni škola thaj ando librokher lel informatcia pa deciciji. Informatcia avela bišadi avri kai le niamuri thaj pe Trollhättans hemsida: www.trollhattan.se
- 19 augusti: Le studenturi len informatcia katar peske sičaritoria.
- 27 oktober 2020 – Le deciciji avena zumade katar edukatciako bordo.

Kumpaniako dialogo

Ame kamas te ašunas čire ginduria thaj divanuri pa kadala deciciji so šutam opre. Ame site bišavas avri jekh specialnio invitatcia kai le dialogosko forum ando agor po september. Atunči si tut posibilita te pušeš pa le propositciji. Pala e coronapandemia thaj risiko pa nasvalimasko perdimos naštisaras te bute ženem. Ame anda kudia keras buči te arakhas kaver drama, kašte la teknikaskere žutimasa te keras dialoguri.

Mizmo akana šai bišaves andre jekh pušipe vai čo gindo ka e-post till: utbildning@trollhattan.se

.

Fundamento le rodimasko

Ando juni 2019 dine le politikuria kai la edukatciako bordo thaj le bare katar e administratcia jekh missia te dikhen sar žjal e komunalnio školaki organizatcia. E missia sas pe kudo te xantsaren le komunalnio školi kašte te keren mai laše permisuri pe jekh mai fialo škola ande Trollhättan. E administratcia sas vi dini e missia te dikhen sar žjan le regli kai phiraven sar e libro školako halomos žjal, thaj sar le studenturi kai či keren jekh halope školako te aven šinade jekh than ande škola.

Rodimos pe kadia sama, thaj kaver komunonge buča kašte xantsaren e segregratcia ande školi sikavel ke si but parujimos kai si posible te kerdjolpe. Te šuven školi ketane, vai te pandaven školi šai kerel impakto pe manušengo djes thaj parudjol e posibilita te trajin thaj te keren buči ande jekh foro vai ando gav. Anda kudo todas po kintari e administratcia so si mišto thaj so nai

mišto ande svako propozitcija thaj zumade te arakhen droma kai del baro efekto thaj so si mai važno te kerdjolpe kašte mai but glati thaj studenturi ande Trollhättan te žjal lenge mai mišto ande škola.

Djin mai but

Ando edukatciako administratcia rodimos si svako propozitcia ande jekh mai lungo divano thaj splikimos pa le efekturia. Te kamesa te djines mai but pa antrego rodipe si te les tele pe le foroski rig: www.trollhattan.se/likvardigskola

Kotse vi site kidas jekh lista pe le mai normalnio pušimata thaj atveturi. Šai trades će pušimata pa rodipe ka e-post till utbildning@trollhattan.se